

永平府志卷二十六

封域志八

古蹟上

孤竹城 府西十五里漢書地理志令支縣有孤竹城
史記正義引括地志云孤竹古城在盧龍縣南十二
里今城南已無其跡而祠在府城西北二十里灤河
之左洞山之陰夾河有孤竹君三冢豈唐之盧龍治
尚在其東北耶又案遼史云興中府本古孤竹國漢
時為柳城地則又在今祠東北五百餘里矣爾雅作
觚竹是北荒之總名蓋猶五嶺以南言甌言越本其
國名後乃概而稱之耳郭造卿曰今有土築堦垣不

永平府志

卷二十六

古蹟上

一

過千年物耳宇內商周城其存者有幾哉未可信以

為孤竹之古城也

城有石額曰賢人舊
里容城楊忠愍公書

山戎國 杜預春秋註曰山戎北狄胡三省通鑑註曰
自漢北平無終白狼以北皆大山重谷諸戎居之春
秋謂之山戎顧亭林曰春秋之山戎在黃帝為獯粥
夏曰淳維殷曰鬼方周曰玁狁漢曰匈奴齊桓公越
燕以伐山戎次孤竹還胡安國曰桓不務德勞中國
而事外夷爭不毛之地又按唐李德裕幽州紀聖功
碑云回鶻者本北地之裔也或曰獯狁或曰山戎是
山戎之非燕地彰彰也今舊志云灤在春秋時為山

戎國通典亦云灤爲山戎肥子二國地誤矣

案

欽定

熱河志云令支及孤竹今盧龍遷安縣地自此以東北皆戎境齊師至此而山戎遁走故遂自孤竹而還今永平府北邊外卽承德府屬之東南知爲春秋時山戎地也

右北平郡 北平之名有二而右北平爲最古其專言

北平者漢縣也屬中山國後漢書註北平故城今之永樂縣也其地當在今之保定府滿城縣與右北平無涉漢右北平治平剛案水經注盧龍東越青陁至凡城二百里許自凡城東北出趨平岡故城可百八十里平岡卽平剛也

純皇帝御製灤水考云盧龍塞今之潘家口也蘭陁今之

永平府志

卷二十六

古蹟上

一一

喜峯口也青陁今之冷口也其地皆在今遷安北境由是而東又折而東北凡三百八十里則去今之永平府遠矣後漢右北平治土垠案後漢耿弇傳光武遣弇與吳漢等十三將軍追賊至潞東及平谷戰斬首萬三千餘級遂窮追於右北平無終土垠之間至浚靡而還註云土垠故城在今平州西南水經注巨梁水出土垠縣北陳官山陳官山在今豐潤縣北七十里則土垠當在今豐潤境內唐時未立豐潤故註云平州西南明一統志乃云在府城西南則沿此註而失之也

豐潤東十里垠城鋪卽古土垠城

且今之永平府治盧龍

盧龍古肥子國卽遼西郡所屬之肥如縣晉置北平郡去右字徐無土垠浚靡無終屬焉於是始不稱右北平而肥如縣固仍隸遼西郡也隋開皇中置平州於盧龍大業初廢州置北平郡屬縣一曰盧龍則實爲今永平府之地是時遼西郡治柳城縣以京東考古錄考之在前屯衛之北當今甯遠州地而無終縣轉屬於漁陽郡大非秦漢之舊域矣稽之地域古之右北平其地當自玉田並塞而東北至奉天府境昔魏武伐烏桓上徐無山經白檀厯平岡以東至柳城平岡徐無固右北平地田子春謂之盧龍塞而與今

永平府志

卷二十六

古蹟上

三

之盧龍縣無與也今永平府地適居秦漢右北平遼西二郡之境特隋以後之北平郡平州有未可與古之右北平相混者耳

唐陳子昂送著作佐郎崔融等從梁王東征詩云金天方肅殺白露始專征王師非樂戰之子慎佳兵海氣侵南部邊風埽北平莫賣盧龍塞歸邀麟閣名杜審言送著作佐郎崔融等從梁王東征詩云君王行出將書記遠從征祖帳連河闕軍麾動洛城旌旗朝朔氣笳吹夜邊聲坐覺烟塵埽秋風古北平顏真卿贈裴將軍旻時守北平詩云大軍制六合猛將清九垓戰馬若龍騰陵何壯哉將軍臨八荒烜赫耀英才舞劍若游電隨風縈且迴登高望天山白雲正崔巍入陣破驕胡威名雄震雷一射百馬倒再射萬夫開匈奴不敢敵相呼歸去來功成報天子可以畫麟臺

遼西郡 在府治東案漢遼西郡治且慮後漢晉治陽
樂魏治肥如此或後魏置郡處也北齊省入肥如杜
佑曰漢遼西郡故城在盧龍城東至隋改置遼西郡
於營州之境汝羅故城唐武德六年又徙於幽州城
中則皆非本境矣

案讀史方輿紀要府東十八里有遼興城唐開元初安東都督府嘗

治此五代時契丹置遼興府治焉旋廢

唐崔顥遼西作云燕郊芳草晚殘雪凍邊城四月青草合遼陽春水生胡人正牧馬漢將日徵兵露重寶

刀濕沙虛金鼓鳴寒衣著已盡春服

與誰成寄語洛陽使為傳邊塞情
高適別馮判官詩云碣石遼西地漁陽薊北天關山
唯一道雨雪盡三邊才子方為客將軍正渴賢遙知

幕府下書
記日翩翩

永平府志

卷二十六

古蹟上

四

肥如城 府西北三十里漢書註應邵曰晉滅肥肥子

奔燕燕封於此漢初為侯國史記功臣表肥如侯蔡
寅是也後改為縣燕王傳殺肥如令郢人是也是時
肥如雖為縣而屬於燕故燕王得以殺肥如令及武
帝析藩國置緣邊諸郡而肥如自此定屬於遼西矣

肥如之見於史者甚多詳紀事門 魏書肅宗紀城平州所治肥如章

懷太子註云故城在今平州而漢書言有元水濡水
盧水魏書言有孤竹山祠令支城黃山濡河水經注
言肥如縣南十二里水之會也則在今盧龍境無疑
燕慕容垂世子令說其父守肥如之險以自保胡三

省註以爲卽盧龍之塞蓋今沿邊一帶大山長嶺古時亦屬之肥如與

陽樂縣 秦置漢因之屬遼西郡後漢爲郡治魏書陽樂下有武歷覆舟林榆太真諸山山名轉易多不可考但言太平眞君八年併令支屬於此而章懷太子云陽樂在今平州東則知不出盧龍之境水經注云陽樂水出東北陽樂縣谿地理風俗記曰陽樂故燕地秦始皇二十二年置魏土地記曰海陽縣西南有陽樂城其水又西南入於沮水謂之陽口或曰陽樂在今大甯廢衛境後魏遷治於此亦屬遼西郡東魏

永平府志

卷二十六

古蹟上

五

省入海陽縣撫甯舊志乃云陽樂城在西關外無據案舊府志謂白溝河爲古陽樂水在盧龍縣東南十五里源出陽山洪稚存直隸境眾水歸合表謂陽樂水舊入海今改合沽河則去撫甯益遠矣俗稱撫甯陽河爲陽樂水誤

新安平縣 漢遼西郡所統之縣後漢省今不詳所在據漢書云夷水東入塞外水經注云新河自枝渠東出合封大水謂之交流口水出新安平縣西南流逕新安平縣故城西又東南流龍鮮水注之合而東流注封大水亂流南會新河南流入於海詳其水道則

知其縣必在海陽肥如之間今撫甯縣在遼時爲新安鎮豈以新安平而名之歟洪稚存乾隆府廳州縣圖志云新安平故城在灤州西明一統志謂新安鎮在樂亭西北二十二里殊無其迹

令支縣 在府東北春秋時山戎屬國也史記齊世家作離支周書王會作不令支皆令支之轉也二漢遼西郡俱有令支晉省縣而城不廢永嘉中遼西鮮卑段遼都於令支其後慕容儁取令支置遼西郡他見之載

記者不一俱詳紀事門 令支地在燕之東陲故爲重鎮入魏太

平眞君七年乃併於陽樂水經注濡水東南流經令

永平府志

卷二十六

古蹟上

六

支縣故城舊志云令支城在遷安縣東蓋亦近之

綦縣 在昌黎縣北漢縣屬遼西郡後漢省入臨榆漢書地理志注綦縣有碣石山一作揭石水水經注濡水東南至綦縣碣石山似在今昌黎撫甯之境而明

一統志以爲今義州衛未詳何據案遼史地理志宜州崇義軍本遼西

綦縣地東丹王每秋畋於此隸積慶宮

昌城縣 漢置洪稚存曰在灤州西南今無考

夕陽縣 漢置洪稚存曰在灤州西南今無考

海陽縣 漢初爲侯國史記功臣表海陽侯搖母餘是也後改爲縣漢書言有龍鮮水封大水緩虛水皆南

入海有鹽官水經注云濡水過令支縣又東南過海陽西南入於海舊志謂當屬樂亭境案魏書地形志海陽下有橫山新婦山清水水經注又云清水出海陽縣東南流逕海陽城東今樂亭無橫山新婦山而清水又在縣西是魏海陽當非漢海陽至唐於海陽縣改馬城縣金於海陽縣改海山縣皆魏之海陽惟

遼史稱海陽濱海地多鹹鹵則於今樂亭地為近

案顧

祖禹讀史方輿紀要云海陽城在府南三十里漢置屬遼西郡魏土地記令支城南六十里有海陽城晉及後魏仍屬遼西郡高齊廢郡又併海陽入肥如新唐書馬城縣即古海陽城誤也五代梁乾德初契丹阿保機掠定州望都民居於此因置望都縣金大定七年改曰海山縣元省或曰漢海陽城在今府東南

永平府志

卷二十六

古蹟上

七

百里遼志誤以為即望都縣治也

驪城縣

畿輔通志云在樂亭縣西案通志之說應據

歐陽忞地輿廣記指遼之石城縣今開平鎮為驪城也然漢書右北平郡驪城下云大碣石山在縣西南今樂亭縣西南無碣石遺跡而世所指天橋柱為碣石者則在今昌黎城西北撫甯城西南是驪城故縣當屬撫甯不屬樂亭矣

臨渝城

在撫甯縣東北漢縣晉省縣而城如故義熙

十年北燕褚匡言於其主跋曰章武臨海舟楫可通出於遼西臨渝謂此也隋開皇初營州刺史高寶甯

與突厥沙鉢略合軍攻陷臨渝鎮大業中置臨渝宮於此十年復議伐高驪自涿郡幸臨渝是也隋書地理志盧龍有臨渝宮蓋於故城置宮云水經注渝水西南循山徑一故城以爲河連城疑是臨渝縣之故城渝水南流東曲與一水會世名之曰檻倫水通鑑檻盧城下註引此大約在今撫甯之東其城不可考矣

營邱郡 晉書慕容廆立郡以統流人以青州人爲營邱郡至黜罷營邱郡魏復置營邱郡水經注渝水又東徑營邱城西案遼史地理志興中府本霸州彰武

永平府志

卷二十六

古蹟上

八

軍節度古孤竹國統縣四一曰營邱析霸城置

平州 平州之見於書者有三有地名有國名有州名左傳宣公元年會於平州以定公位地名也史記朝鮮傳封王峽爲平州侯功臣表又有平州侯昭涉掉尾國名也其州名亦有三有漢末平州有晉平州有後魏平州漢末公孫度自號平州牧及其子康康子淵並據遼東此漢末之平州也

平州本取遼東襄平爲名

魏分遼

東昌黎元菟帶方樂浪五郡爲平州後還合爲幽州晉武帝咸甯二年十月分昌黎遼東元菟帶方樂浪等郡國五置平州治昌黎

當卽漢之交黎

此晉之平州也至

後魏平州乃治肥如而自齊以下因之遼史引公孫度之平州於此則誤矣

金高廷玉道出平州寒食憶家詩云柳色方濃別玉京程程又值石龜城山重水複人千里月苦風酸鴈一聲上國春風桃葉渡東歸寒食杏花錫楚魂蜀魄偏相妒兩地悠悠寄此情
金張翰奉使高麗過平州館詩云昨日龍泉已自奇一峯寒翠壓檐低兼并未似平州館屋上層巒屋下溪案讀史方輿紀要順天府南十里有永平館一名碣石館遼時朝士宴集處也與此是一是二不可知姑列此以俟攷

朝鮮縣 府北四十里漢樂浪郡之屬縣也後魏延和元年徙朝鮮民於肥如置朝鮮縣并置北平郡治此高齊移郡治新昌并朝鮮縣入焉

永平府志

卷二十六

古蹟上

九

新昌縣 今府治漢新昌遼東郡之屬縣也在今遼東海州衛境後魏僑置於此屬北平郡後齊為郡治隋改曰盧龍

馬城縣 灤州南二十里唐書地理志云古海陽城也開元二十八年置以通水運仍屬平州遼亦曰馬城改屬灤州金因之遼史地理志云在州西南四十里誤宋史張穀以營灤二州併所領三縣來降賜馬城名曰安域舊志城周一千四百四十四步高一丈五尺門五今廢通典謂平州西南至馬城縣百八十里尤誤

安喜縣 遼史地理志本漢令支縣地久廢太祖以定州安喜縣俘戶置在平州東北六十里金大定中改名遷安縣讀史方輿紀要引金志云安喜廢縣卽漢令支故城近志城在遷安縣東北二十里是也

灤河縣 遼置與神山縣并屬澤州本漢徐無縣地隸永興宮澤州有松亭關神山九宮嶺石子嶺灤河撒河屬中京金廢州留神山以屬大定府而灤河縣并廢今灤陽營是也

灤陽縣 在遷安縣西北百六十里金史地理志神山下云章宗承安二年嘗置惠州升孩兒館爲灤陽縣

永平府志

卷二十六

古蹟上

十

以隸之泰和四年罷州及縣元復於灤陽置惠州無屬縣隸大甯路明初廢州爲營備禦官民居焉遼灤河縣在今灤陽營金灤陽縣在今漢兒莊遼人以南人爲漢兒而設南面官有漢兒司及漢兒行宮都部署故館謂漢兒其官及民居之也

案契丹國志遼天祿元年晉太后求

於漢兒城側賜地種牧以爲生卽此

蓋金史轉語以漢爲孩耳元一統

志惠州有廢神山縣灤陽縣元俱罷爲跖

柳城縣 明一統志柳城在永平府西二十里永平府舊志柳城在昌黎縣西南六十里漢末爲烏桓所據曹操滅之歷魏晉爲慕容氏父子所據隋置縣屬遼

西郡唐置營州元省入昌黎爲靜安社二說不同今府西二十里全無遺跡而靜安社實在昌黎縣西南六十里然皆非柳城之舊也以地圖案之柳城當在今前屯衛之北但唐書平州下有柳城軍永泰元年置有溫溝白望西狹石東狹石綠疇米甌長楊黃花紫蒙白狼昌黎遼西等十二戍或卽此地元日靜安堡明嘉靖三十一年置靜安社蓋唐時柳城之地屢被陷沒移徙無常比其在平州者或卽今之靜安社未可知然不可以永泰元年之柳城軍爲古之柳城縣也顧亭林京東考古錄辨之最詳茲不具錄

案讀史方

永平府志

卷二十六

古蹟上

十一

輿紀要柳城在府西二十里一云在府東北二十餘里唐天寶以後柳城郡曾僑治於此因名一統志云卽隋所置柳城郡唐爲營州治誤

石城縣 在灤州城西九十里遼之所置縣也與漢唐

元魏所置之石城縣俱異

詳見顧亭林京東考古錄

金太宗時改

爲清州

見宋著作郎許亢宗奉使行程錄

明永樂三年移開平中屯

衛於石城廢縣遂名開平鎮案通典云灤治本黃洛舊城義豐倚焉武經總要云灤西九十里至石城今開平西距灤治九十里其爲石城在明矣是義豐石城本兩地也今開平旣爲石城地而城碑里刻俱稱義豐殊未可曉豈石城裁後曾以義豐移治歟

義豐縣 今灤州治漢海陽縣地屬遼西郡隋爲盧龍縣地唐爲石城縣地屬平州遼史地理志云本黃雒故城黃雒水北出盧龍山南流入於濡水世宗時置縣金元因之明初廢郡縣志云黃洛故城殷時諸侯國古史武丁析孤竹之地封功臣黃洛爲侯國今州城卽遼故址也

海濱縣 遼史地理志隰州平海軍統縣一曰海陽潤州海陽軍統縣一曰海濱至今則改海濱屬瑞州與海陽並置海陽下註云遼潤州海陽軍故縣海濱下注云遼隰州平海軍故縣皇統三年廢隰潤二州來

永平府志

卷二十六

古蹟上

十一

屬據此則金之海陽縣在遼爲海濱金之海濱縣在遼爲海陽也錢曉徵謂遼史二縣互譌或其然歟山海舊志云海濱縣在山海關東一百二十步洪武中

於其地置東門遞運所不知何據

案

河志今建昌縣南

一百八十里瑞雲山中有元至正七年大甯路瑞州海濱鄉周家莊雲溪觀碑知建昌縣之東南境爲遼海濱縣地

遷民縣 遼史地理志遷州興善軍統縣一曰遷民本漢陽樂縣地至今廢爲鎮屬瑞州歸德軍之海陽縣元史文宗紀所云守遷民縣塹遷民鎮以兵入遷民鎮皆指此

詳紀事門

蓋卽今之出海關也一統志表謂遼

遷民縣卽遷州治案宋著作郎許亢宗行程錄云自潤州八十里至遷州潤州今海陽鎮以道里計之州當在縣東四十里矣

溟州 畿輔舊志云在今樂亭治元置是爲東溟案元史地理志樂亭下註云元初嘗於縣置漠州尋廢復爲樂亭縣隸灤州字作漠不作溟今縣如南崇法寺元中統四年重修碑記有前溟州刺史鎮國上將軍石昌題名似州以作溟爲確

盧龍塞 三國志魏太祖紀建安十二年北征烏桓田疇請爲鄉導引軍出盧龍塞田疇傳隨軍次無終時

永平府志

卷二十六

古蹟上

十二

方夏雨水而濱海洿下瀦滯不通虜亦遮守蹊要軍不得進太祖患之以問疇疇曰此道夏秋每常有水淺不通車馬深不載舟船爲難久矣舊北平郡治在平岡道出盧龍達於柳城自建武以來陷壞斷絕垂二百載而尙有微徑可從今虜將以大軍當由無終不得進而退懈弛無備若嘿回軍從盧龍口越白檀之險出虛空之地路近而便掩其不備蹋頓之首可不戰而禽也太祖曰善乃引軍還令疇將其衆爲鄉導上徐無山出盧龍歷平岡登白狼堆去柳城二百餘里虜乃驚覺單于身自臨陳太祖與交戰遂大斬

獲逐北至柳城厥後諸史所載盧龍之事頗詳俱見紀事

門魏書新昌有盧龍山水經注濡水又東南逕盧龍

塞塞道自無終東出渡濡水向林蘭陁東至青陁盧

龍之險峻坂縈折故有九崢之名杜氏通典盧龍塞

在今平州城西北二百里即潘家口張行人舊志云

在今府城南一里誤矣明一統志今府西南一百九

里有盧龍鎮土色黑山似龍形即古盧龍塞云案新唐書

地理志薊州漁陽郡東北渡灤河有古盧龍自古盧龍北至奚帳六百里

唐高適塞上詩云東出盧龍塞浩然客思孤亭堠列

萬里漢兵猶避胡邊塵滿北溟胡騎正南驅轉鬪豈

長策和親非遠圖惟昔李將軍按節臨此都總戎埽

大漠一戰擒單于常懷感激心願效縱橫倚劍欲

永平府志

卷二十六

古蹟上

十四

誰語關河空鬱紆

唐錢起盧龍塞行送韋掌記詩云雨雪紛紛黑山外

行人共指盧龍塞萬里飛沙咽鼓鼙三軍殺氣凝旌

旆陳琳書記本翩翩料敵張兵奪酒泉

聖主好文兼好武封侯莫比漢皇年

唐戎昱塞下曲云北風凋白草馬日駸駸夜後戍

樓月秋來邊將心鐵衣霜雪重戰馬歲年深自有盧

龍塞烟塵飛至今

明梅國楨出盧龍塞詩云曉風匹馬渡灤河極目胡

天感慨多近塞虜營還歷亂彌山雉堞自差叢林間

殘雪經春凍峽口孤雲帶雨過不

少謀臣憂社稷只應暫許鄧支和

長城 今人言長城必曰秦始皇所築案秦築長城史

記漢書稱其因邊險山塹谿谷可繕者治之起臨洮

至遼東萬餘里長城在戰國已遞興築秦昭王伐殘

義渠於是有隴西北地上郡築長城以拒胡此秦之
長城也魏惠王築長城塞固陽此魏之長城也趙武
靈王北破林胡樓煩腫長城自代並陰山下至高廩
爲塞置雲中鴈門代郡此趙之長城也自上谷郡至
遼東則爲燕之長城地勢本自相接始皇特因而增
築聯綴之其方位原未大改也秦長城東盡處括地
志以爲東入遼水大約自盧龍塞以東尙迤北以迄
於遼水與唐以後之長城自平州東境卽迤南以至
渝關者微有不同考長城自秦以後一築於後魏再
築於東魏然皆在上谷郡代郡以西惟北齊五築長

城史稱顯祖天保七年自西河總秦戍築長城東至
於海後主天統元年自庫堆戍東距於海隨山屈曲
二千餘里斬山築城置立戍邏五十餘所則長城之
迤南迄海當改築於是時周宣帝大象元年發山東
諸民修長城立亭障西自鴈門東至碣石逮隋四築
長城於是北魏以前之遺址漸廢觀隋書地理志漁
陽郡無終縣北平郡盧龍縣下皆有長城太平寰宇
記薊州東北至平州石城縣界廢盧龍戍二百里戍
踞長城開皇置所云無終盧龍及薊州東北之長城
卽今潘家口迤東之邊牆知爲北齊與隋之所築也

典彙云洪武初卽古會州大甯地設北平行都司興
營諸屯衛封建甯藩與遼東宣府東西聯絡爲外邊
已而魏國公經略自古北口至山海關增修關隘爲
內邊山海關始於魏公當亦卽前人之所築而增修
者也據此則謂永平境內之長城爲秦築固非謂自
魏公始築亦未必爲是矣

國朝高士奇長城詩云嬴秦昔設險絕絕微營堅城蜿蜒
互萬里形勢何崢嶸塹山築雉堞絕壁同雲橫人工
旣已盡天險巍然成控制接陝右拱抱環燕京疇昔
邊事嚴老幼苦長征秋聲警哨動夜火邊烽明盛
朝久息戰四境歌承平石樓鳥雀棲亭
障荆棘生但看飲馬窟日落寒潭清
丁澎嶺見長城詩云嶺坂風迴樹鬱盤長城如帶
霧中看隨陽雁斷天疑盡背日峯高夏苦寒滄海不

永平府志

卷二十六

古蹟上

十六

沈秦女石浮雲欲動楚臣冠伊州
一曲先揮淚况是親經行路難
趙大經途中望長城詩云峯腰一綫露邊痕足馬秋
風爲斷魂長笑蒙恬傷地脈何如李廣將軍屯深山
虎乳巢牆缺破障人歸越塞門太
息前朝增壘處夕陽殘堞易黃昏
遷安馬恂長城歌云長城築怨秦不知崇墉萬古長
疑疑長城備邊秦不及狐鳴蛇斷羣雄馳空見延
太行尾塹山堙谷海爲池後人望之若廬市大笑秦
皇汝癡矣同時燕趙各築邊畢竟覆國非北鄙秦能
滅之秦不思效其勞焉足恃秦人搖首不謂然非
秦誰使長城起自從五丁開山來百姓樂成難慮始
捶拊刀鋸嚴迫驅民築長城且緩死亭障羅列百萬
兵牧馬無人七百里英雄舉事必無窮害在一時利
萬紀岸紫石蟠危牆紛於此論邊防中原天界
一線內大地平圍萬里倚秦塞何能再距森開張渝關
險虞亡羊使非旌旗倚秦塞何能再距森開張渝關
險隳勇將怯燕雲地失雄圖亡遂令後代逞豪駿百
樓萬雉營修秦利今古功名少保戚馬池再築三目楊
詈秦者卽饗秦利今古功名少保戚馬池再築三目楊

意專遣秦人治邊地不然閩運何不延長城功畢輜
輟至盧生秦識逢沙邱沛公送徒起豐泗鶉首醉秦
忽復醒長城月冷空閒棄從來智計難勝天但留鐵
壁橫風煙烽堠櫺分向背高下皆珠聯連雲
岌業上瓴甌抵谷委折窮淵泉迤邐南填壓共工肩
羅棋置黃雲巔西北環抱燭龍脊東城一築限中
關峻但聞通流水勢險直欲遏飛鳶長城一築限中
外神皋遂隔龍沙邊王公設險守其國勇夫重閉防
未然豈知梯航通玉幣鄧治八荒歸控制金甌
早畫益地圖開拓唐虞古形勢天之所覆同一家稽
首礪古苔沒址埋戰骨野花含香圍埤堥古云在德
帶礪險而今外戶已不閉巖谷桑麻安耕鑿山城詩
不在險而當年飲馬冰雪窟童叟關給租稅唯見
書競魯衛當屏九曲疊雲際長
長城足練舒翠屏九曲疊雲際
城磊磊山峩峩天下大同億億世
知府游智開巡邊詩云馬頭日日傍邊城向晚城
頭月又明關塞萬重天萬里西風何處鴈飛聲

明埵關 顧祖禹讀史方輿紀要引舊志云在撫甯縣

永平府志

卷二十六

古蹟上

十七

北唐會要平州有明埵關與臨榆關並為險要今關道榛塞渝關獨當東面之衝

榆關 史記楚世家惠王十三年三晉伐楚敗我大梁

榆關註云此榆關當在大梁之西隋書文帝紀開皇

三年城榆關四年以賀婁子幹為榆關總管玉海秦

有榆中關榆塞名隋之所城疑即秦之舊關隋志榆林郡全

河縣開皇初置榆關總管五代史引此唐書地理志

勝州榆林縣東有榆關貞觀十三年置文獻通考榆

林在禹貢屬雍州秦漢屬雲州唐為勝州屬關內道

據此則唐之榆關亦即秦隋之榆關其曰城曰置者

雖或不無變易要皆不離乎榆林之地案隋書列傳賀婁子幹時鎮涼州方議隴西河右屯田事故命爲榆關總管非此臨渝關也舊志引之甚誤臨渝關在營平之間古所謂臨渝之險也字原作渝以渝水得名與榆林之關異史家傳寫混淆不可不辨唐書地理志石城有臨渝關一名臨閭關又云營州城西四百八十里有渝關守捉城賈循傳循爲渝關守捉使地南負海北屬長城其他渝關之見於記載者或書作渝或書作榆一書之中兩字互見至遼史則書臨榆全從木旁矣杜佑通典渝關在平州盧龍縣東百

八十里而遺址久廢案通鑑及通典所載道里似卽今之山海關其在今之撫甯縣東二十里者乃驛遞之所取榆關爲名耳舊說大抵如此

顧希范讀史方輿紀要洪稚存

乾隆府廳州縣圖志皆然

然考宋著作卽許亢宗奉使行程錄云

離營州東行六十里至渝關並無堡障但存遺址有民三數家登高四望東自碣石西徹五臺幽州之地沃野千里北限大山重巒中有五關居庸可以行大車通轉餉松亭金坡古北口止通人馬不可行車外有十八路盡免徑鳥道止能通人不可行馬山南五穀百果良材美木無所不有出關未數十里則山童

去	范	海	風	秋	馮	近	半	海	董	此	入	來	又	慕	九	瑟	鹿	城	營	月	陳	咏	職	夜	又	又	城	長	時	需	督	註	期	驅	總	一	雄	空	徐
渡	志	外	曳	戒	惟	伐	在	氣	越	身	鬢	進	歸	投	地	非	善	吹	州	明	縮	無	業	何	已	西	甲	笛	雨	也	師	大	常	皆	理	戰	將	黃	學
危	完	畫	鐵	衣	訥	鼓	田	連	撫	當	邊	見	自	醪	藏	關	繼	門	滿	榆	疆	尋	尋	其	已	東	馬	月	雪	再	孫	將	大	戚	報	軍	霾	古	
橋	春	旗	誰	虎	出	正	榆	蒼	甯	日	霜	不	榆	劇	機	秋	榆	外	地	關	詩	難	入	未	嘉	平	明	霏	來	承	礮	不	繼	重	頻	吹	秋		
溪	日	駐	誰	符	關	淵	關	茫	道	非	人	稱	關	談	虎	色	何	車	無	云	正	倚	手	央	廿	中	一	而	宗	名	不	列	光	瞳	授	野	日		
水	渡	金	憐	千	逢	淵	前	初	中	輕	並	官	別	欲	豹	高	人	輪	傳	漢	倚	股	帝	起	四	入	到	柳	渝	元	敢	陳	和	陳	戎	赤	邊		
涓	榆	微	瀚	里	徵	驛	驛	出	榆	許	老	四	高	出	韜	月	不	似	箭	塞	秦	肱	語	來	日	破	臨	始	關	戎	望	盡	前	韻	元	羽	報		
涓	關	聞	遠	至	兵	入	有	日	關	出	舉	年	相	端	下	嚴	望	水	靜	秦	力	忠	燧	榆	榆	偏	八	花	以	元	戎	韻	云	飛	急	警			
月	半	遠	鐘	龍	使	風	感	慘	有	入	頭	殊	公	火	無	令	夜	流	聽	關	可	勤	著	同	關	宛	百	詩	兵	戎	飛	羽	山	詩	云				
霄	鐘	鐘	並	騎	人	濤	詩	淡	感	風	關	覺	詩	華	奇	慄	望	夜	軍	中	有	慙	衣	諸	同	轉	日	山	地	戎	出	飛	羽	戎	碣	秋			
彈	聞	聞	指	五	作	總	云	未	詩	濤	月	從	云	髮	慙	弓	半	夜	博	海	有	慙	裳	文	武	風	倚	水	不	夜	關	外	河	上	何	氣			
指	海	歸	三	營	詩	是	曉	收	云	總	夜	軍	依	年	借	刀	邊	博	長	虞	慙	天	武	祝	搖	重	渚	毛	關	上	移	移	移	移	移	移			
生	潮	夜	生	歸	云	安	別	煙	曉	安	看	樂	倚	來	無	千	邊	盧	城	廷	官	懈	天	祝	落	重	水	予	外	朝	朝	朝	朝	朝	朝	朝			
俱	詩	月	詩	歸	聞	安	撫	茅	曉	安	看	樂	倚	來	無	千	邊	城	城	一	官	懈	天	祝	不	重	水	予	外	朝	朝	朝	朝	朝	朝	朝	朝		
夢	云	明	云	歸	道	安	郭	屋	別	安	看	樂	倚	來	無	千	邊	城	城	一	官	懈	天	祝	不	重	水	予	外	朝	朝	朝	朝	朝	朝	朝	朝	朝	
幻	榆	雕	關	歸	雲	安	郭	屋	別	安	看	樂	倚	來	無	千	邊	城	城	一	官	懈	天	祝	不	重	水	予	外	朝	朝	朝	朝	朝	朝	朝	朝	朝	
鐘	關	戟	關	歸	雲	安	郭	屋	別	安	看	樂	倚	來	無	千	邊	城	城	一	官	懈	天	祝	不	重	水	予	外	朝	朝	朝	朝	朝	朝	朝	朝	朝	朝
聲	西	山	關	歸	雲	安	郭	屋	別	安	看	樂	倚	來	無	千	邊	城	城	一	官	懈	天	祝	不	重	水	予	外	朝	朝	朝	朝	朝	朝	朝	朝	朝	朝

永平府志

卷二十六

古蹟上

二十

遙帶五

更潮

國朝無錫王模榆關詩云絕壁開天險千尋控塞垣荒沙寒白骨新鬼嘯黃昏水急蛟龍怒山深虎豹屯當

年百戰地遺

恨至今存

澤州陳廷敬古榆關詩云白草黃雲出亂山渝河

東下古榆關沙場多少征夫恨行到長城慘客顏

張琴宿榆關詩云辭家將百里薄暮抵榆關倦客纒

停轡蒼煙已沒山夜寒聞漏永夢短對燈閒欲問連

營處鷄鳴

又路間

盧龍故城 水經注濡水又東南逕盧龍故城東漢建

安十二年魏武征蹋頓所築也

蹋頓城 晉書載記石虎謀伐昌黎遣曹伏將青州之

眾渡海戍蹋頓城無水而還隋煬帝征高麗其右第

永平府志

卷二十六

古蹟上

二十一

七軍出蹋頓道

盧溥城 晉書地理志自幽州至於盧溥鎮以南地人

於魏案魏書太祖紀范陽人盧溥聚眾海濱殺幽州

刺史封沓於此蓋即其所據之地以名鎮而燕之幽

州乃令支也

萬軍城 遷安縣東三十里山巖突起頂有土城周三

百餘步中有將臺遺址相傳唐太宗征高麗駐軍於

此舊志云今名帳房山或指為軍所宿非也蓋遼國

之法天子踐位置宮衛分州縣析部族設官府籍帳

戶備兵馬崩則扈從后妃宮帳以奉陵寢有調發則

丁壯從戎事老弱居守此特其軍府之臺帳所謂平

州提轄司也

案遼史平州提轄司九宏義宮祖太長甯宮

聖宮延慶宮宗聖文忠王府國

龍紀城 遷安縣北二十里周二百餘步又有楊買驢

城在縣北四十里周五百步案顧祖禹讀史方輿紀

要引城冢記云二城俱遼聖宗時蕭太后所造楊買

驢遼臣姓名司營築之事者

舊志作金誤

海洋城 撫甯縣東六十里按宋著作郎許亢宗奉使

行程錄自營州一百里至潤州營州今昌黎潤州即

遼之海陽軍也按其里數確是此地洋當作陽舊志

永平府志

卷二十六

古蹟上

二十一

謂是漢縣誤

洋河城 撫甯縣東南十五里方圓六里舊云唐太宗

征遼時所築又云或隋之瀘河鎮也

案杜佑通典隋開皇中厥稽部

長突地稽舉部內附置順州以處之本在柳城燕郡

之北煬帝改為遼西郡取秦漢舊名也統遼西懷遠

瀘河三縣唐初改為燕州廢瀘河縣武德六年自營

州南遷寄治幽州城內今順天府順義縣治為遼西

廢縣地瀘河當去順義不遠

山西城 撫甯縣東南五十里舊亦云唐築未詳所據

五花城 舊志云在 山海關西南八里連環五座若五

花然相傳唐太宗征遼時所築志云縣東有大人城

唐貞觀十八年議伐遼北輸粟於營州東輸粟於古

大人城是也案太宗將征遼太常丞鄧素使高麗還請於懷遠鎮增戍以逼之帝不從惟命北輸粟營州多儲古大人城耳自發雒陽春蔬亦不進懼其擾民但明斥堠不塹壘雖逼鹵城終不敢出鈔而士運糧單騎野宿如中國焉安得築城於此或以爲城蓋秦始皇所築今城西南八里有城一俗名古城餘四座未見遺址盛京通志云山海關有老城東羅城西羅城南新城北新城五城環繞亦名五花城說與舊志不同

撫甯縣知縣劉馨五花城詩云五花城列近關門懷古淒其入暮村宿昔軍容開紫塞至今戰壘向黃昏

永平府志

卷二十六

古蹟上

二十三

長城不見春雲色虛寨仍連沙雨渾駐馬幾回空悵望蕭蕭華髮獨無言

鳳凰城 昌黎縣西鳳凰山上可容數百人與魏松所修臨河洞俱可避兵舊志以爲道者山誤案道者山別是一山古有道者寺今廢與鳳凰山相近

千金冶城 在馬城廢縣東北唐書地理志馬城縣東北有千金冶城舊爲冶鑄處蓋石沙可炒鐵今尙有遺石立水中灤志云古城在州西七疑脫里孩古社案洪稚存府廳州縣圖志千金冶在灤州南班固云夕陽有鐵官

茂鄉鎮城 在灤州千金冶東

獨莫城 在灤州西南九十里今無遺址

倂城 在灤州西南六十里元將那顏倂蓋屯糧處今

鎮北遺址尚存

獨幽城 在樂亭南十里事蹟莫考

威遠城 俗名嗚咽城在長城東二里外歡喜嶺上城

高三丈下甃以石四隅起臺垛城上女牆高五尺周

方七十步正南為城門上鐫威遠二字今已剝蝕不可辨城

內北面起平臺延袤三丈臺左右磴道各一南面東

西隅亦各有磴道隨其形勢於四面城牆上下起大

小券洞二十一大洞廣八尺小洞廣五尺高皆一丈城門外為小月城

永平府志

卷二十六

古蹟上

二十四

高丈餘面西為門其月城東南西南亦各有券洞內設睥睨周城百步外

為壘三重相傳此城為吳三桂所築既以瞭遠且可屯兵與城中為犄角之勢有隧道通其署

中今都統衙門舊為吳三桂署隧道久湮枯井尚存

樂安舊鎮 在樂亭東北二里石趙築城置鎮於此詳紀

事門明一統志云永平古蹟有七此其一也晉書載記

作安樂城通鑑作樂安與舊書合水經注云濡水分

為二北水枝出謂之小濡水東逕樂安亭北東南入

海濡水東南流逕樂安亭南近質水道縣中古蹟此

為最確今城東北二里有舊鎮莊俗作救陣誤

新樂鎮 舊志云在樂亭西北二十二里此蓋因明一

統志新安鎮而譌也按晉書地理志新樂縣屬樂陵國慕容臧爲王猛所敗遂城新樂而還當卽其地舊樂亭志援臧所城之新樂爲新樂鎮之證恐不足據望都鎮 舊志云在樂亭境內按遼史地理志云本漢海陽縣太祖以定州望都縣俘戶置金大定七年更名海山詳金史地理志遼時海陽馬城與望都並置望都有海陽山在平州南三十里望都屬平州馬城屬灤州海陽屬隰州是遼之海陽與漢之海陽同名而異地望都在馬城之東卽今灤州昌黎之間也宋著作郎許亢宗奉使行程錄云自灤州四十里至望

都縣自望都縣六十里至營州營州今昌黎由灤至昌徑行止七十里當初紆道而行縱及百里然究未必履及今之樂境也錄又云唐莊宗以鐵騎五千退保望都卽此

新橋鎮 卽新橋海口在樂亭南按讀史方輿紀要云新橋營在縣西南三十里有城周二里舊有巡司萬厯二十年倭犯朝鮮因設營與昌黎赤洋撫甯牛頭崖爲海口三營聯絡巡哨以爲防禦舊志永樂七年倭寇樂亭設立新橋海口營因爲巨鎮府志因之今考明史成祖紀及海防志俱無倭寇樂亭等文不知

舊志何據且樂亭之有新橋鎮見於金史地理志是新橋爲鎮自金已然非始於明也樂亭舊志有古城云在縣西南三十里疑卽新橋之城新橋海口在今馬頭營至今相傳尙有城後後城壕倉東閣上及七街八衢衙七十二曰窠之名又有石橋九今俱廢

昌國署 畿輔志云在樂亭東十七里元時爲屯田署今猶稱爲署里按元史世祖紀及兵志云至元二十四年秋八月以北京伐木三千戶屯田平灤立豐贍昌國濟民三署秩五品設達嚕噶齊令丞直長各一員成宗大德四年罷之止立打捕屯田所今灤州西

永平府志

卷二十六

古蹟上

二十六

南濟民鹽場當亦由濟民而名

溫泉柵 讀史方輿紀要云在廢石城縣東北舊爲戍守處唐廣德初史朝義旣敗欲北走奚契丹至溫泉柵追兵及之窮蹙自縊處也